

許墅關志卷之十一

古蹟

周

溝卽今運河漕渠考自吳江縣北五十里經府城又北三十

里達許墅西又十五里至望亭接無錫縣界今爲金匱縣水利書

運河卽古之邗溝無錫北來水自望亭而南經許墅至楓橋

瀆卽漕河在許墅西北寰宇記周元王時越大夫范蠡伐吳

開蠡瀆卽此已上府縣志互見水本朝葉士寬蠡湖秋光

皇都

口餘艘銜尾下姑蘇烏啼茂苑多榛莽水滿長洲徧荻蘆今

日通津成大路千颿轉漕入

許墅關志

卷之十一

古蹟

一

猶亭卑猶位越王葬吳王處在今徐侯山

吳越春秋越絕書史記府志合參互見山

冢墓

干隧越王擒夫差處在萬安山西南一里萬安卽陽山

戰國策府志合

參五見山本朝凌壽祺詩萬安古干隧

至今有遺迹餘恨滿空山日暮鳴夷魄

舸城在黃埭

縣志

秦

射瀆在許墅南十里世傳秦始皇嘗射於此適對陽山箭闕闕

爲箭鏃所嚙也

府志互見山水橋梁本朝李奕拓射瀆歸

沙頭幾點白天桃村裏十分紅歌憑風過高還下塔引船行

西復東何處更教爾興發雲嚴鐘晚出禪宮凌壽祺一射竟

穿山涇流尚不彎吳王閭闔出王或曰吳秦帝會稽還漫以誇

神力俱無濟國艱虎邱遺劍跡恰對白楊灣明顧元慶箭闕

兩峯中斷山椒起云是秦皇一鏃穿萬壑松濤雙屐底三吳  
風物一尊前濛濛元氣元匡濕靄靄高雲翠碧鮮欲酌公孫  
呼不起晚來幽獨下蒼煙本朝馬苻何人發長矢抉石見  
青天白雲常欲補終古不能連邵源一箭開雙闕傳聞自祖  
龍如何幸東海  
鞭石不成功

漢

胥屏亭在陽山東二里漢初吳人葬陸烈於此府縣志互見冢墓

三國吳

望亭在滸墅北二十里吳先主所立名御亭隋開皇九年置爲

驛唐屬常州刺史李襲襲一作以梁庾肩吾詩有御亭一回望

風塵千里昏青袍異春草白馬卽吳門之句改今名府志采風類記

台參互見村鎮唐白居易望亭驛酬別周判官何事出長洲  
連青飲不休醒應難作別歡漸少於愁燈火穿邨市笙歌上

滸墅關志

卷之十一

古蹟

二

驛樓莫言五十里已不屬蘇州許渾宿望亭館寄蘇州同志  
人稀夜更長姑蘇城遠樹蒼蒼江湖水落高樓迴河漢

秋歸廣簟涼月轉碧梧移鵲影露低紅葉濕螢光西園詩侶  
應多思莫醉笙歌掩畫堂劉滄宿望亭館野燒空原盡荻灰

吳王此地有樓臺千年事往人何在半夜月明潮自來白鳥  
影從江樹沒清猿聲入楚雲哀停車日晚薦藻風靜寒塘

花正開趙嘏扁舟殊不繫浩蕩路纒分范蠡湖中樹吳王苑  
外雲悲心人望月獨夜雁離羣明發還驅馬關城見日曛宋

楊萬里舟過望亭常州盡處是望亭已離常州第四程柳線  
絆船知不住卻教飛絮送儂行此去蘇州半日期歸心長是

覺船遲一村樹暗知何處兩岸草青無了時元李元珪秋暮  
夜宿望亭茅屋沿隄密掩扉言橋昏黑泊船稀守關戍火明

村塢隔岸漁燈照石磯寒木盡隨溪水落斷鴻猶趁楚雲飛  
蓬窗欹枕無寐聽人家夜擣衣明王寵還舟望亭與諸

友夜集敘遊方歷歷惜別更茫茫湖海誰投分雲霄幾斷行  
眠從秉燭忽泪竟霑裳易得嫌阮藉王穉登

過望亭水鳥白紛紛翻飛不堪卻老三里盡山縣一橋分  
篇近帆過柳人稀路滿雲堪卻老三里盡山縣一橋分

亭中感懷水蠡桑春惟憐行路客著盡離  
家在村犬迎舟吠田鳥繞耜飛悠然望遠岫卻羨暮雲歸韓

奕早春過望亭驛喜晴追次李嘉祐韻遠墅晴煙散綠蘋推  
篷喜坐整烏巾野花開處多臨驛水鳥飛來似送人愁裏聽  
窮三日雨客邊吟到一分春今朝已有尋芳客來往東風陌  
上塵木朝汪琬東歸抵望亭作鷓鴣聲中雨似絲昏昏鄉  
思苦難支棟花風起歸舟急要趁黃魚土筋時望見家山一  
抹青淡煙初日漾江汀先生纔了還鄉夢已報輕帆過御亭  
顧嗣立望亭書所見撥刺魚上義咿啞櫓相語鷓鴣踏水飛  
欲來又忽去韓是升舟泊望亭與錢訥生蔣震遠聯句舟泊  
望亭驛聯吟送夕陽遠山浮紫翠平楚帶蒼茫時見帆收浦  
空餘苟在梁篴聲歸犢背火點散漁航星斗稀還煙波繞  
更長題襟仍雅會拈韻待成章韓孟留壇坵高張共激昂推  
敲頻翦燭酬唱互傾囊酣酌螺絲杓閒烹雀舌香吾衰嗟已  
老旅興詎能忘問字資師友論詩溯漢唐幾年同射虱若箇  
擅穿楊驚足思馳騁程慕頡頏青錢慚萬選麗藻乏千行  
敢銜連城璧難爲百鍊鋼功名他日事得失寸心量世德遙  
堪繼薪傳近有方終當諧臭味慎勿類參商柝報荒村月  
皤野店霜夜闌分于去伴鷺宿寒塘凌壽祺乾隆甲辰迎  
鑾懼歌之一望亭南望是姑蘇夾岸人家人畫圖聞說晉陵  
龍舸下三吳  
路效嵩呼

游野關志

卷之十一

古蹟

三

漢晉間

丁令威鍊丹并在陽山東白鶴峯下一云法海寺有丁令威泉

泉水甘美雖旱不竭

府志互見第宅

晉

白馬澗在陽山下去游野十數里支遁養馬處馬跡石尙存

府志

互見山水宋范成大詠馬跡石跨馬凌空亦快哉龍腰鶴背  
漫徘徊游人欲識仙蹤處但覓蒼崖白塔來明高啟白馬澗  
白馬何不居天閑乃在古寺長松間奇姿不受世羈絡遠自  
國馱經還澗邊飲罷寒雲起恍惚化龍躍入水空山夜雨  
不聞嘶呷沒蹄紫苔裏高僧去今幾年世上神駿還誰  
憐莫令老逐風塵子憔悴哀鳴塗路邊本朝凌壽祺何處  
飲神駿谿徐德水痕山空亭已老澗古石猶存不  
受塵羈勒應忘駕輕軒支公去既久馳逐徒飛奔

龍湫在陽山西白龍塢龍母冢前方徑千尺深亦如之今深廣

僅二尺許

府志舊志合參互見山冢墓 本朝汪琬龍湫一

馬苻鳥藤攜向白龍湫茶筍留人竟日遊松竹南枝稅吳縣  
煙嵐北向隸長洲孝龍葬母清泉畔禦魃迎人古墓頭銅翠  
出雲叢鐵榦庭前猶見晉春秋 凌壽棋追次汪琬韻龍已去  
荆湘水尚晉時色應有龍子遺飛騰向天日 吳鎡一潭止水  
淨光寒陡作風雷氣鬱蟠應是  
此中有龍子盤渦十丈激飛湍

晉柏在龍湫上龍母祠前大數圍黛色參天紋皆左紐龍歸省

母緣柏上下滑澤不生苔蘚

舊志互見祠廟明顧元慶咏晉

來白日晦龍去青山空異代碑橫草瀟湘雲滿宮宮前獨古  
柏柯榦如青銅程嘉燧犖角枯藤得得來蒼皮無恙蘚垣頽  
老年欲占峰頭石冑雪穿雲看幾回 本朝汪琬修柯不知  
年疑有鬼神守至今龍蟠處蒼文尚左紐 凌壽棋次韻虬枝  
滑如黍鼓祠香火守猶見龍歸時修柯相盤紐 吳鎡東晉森  
森柏虬枝屈曲纏清陰環列岫空翠撲飛泉雨過麈留跡風  
輕鶴避煙上方龍  
象近梵唄靜中傳

游墅關志

卷之十一

古蹟

四

龍井在陽山東長雲峯下深三丈貼水有門幽邃莫測取以瀹

茗色白味香

舊志互見山

隋

堰插在望亭大業十年置宋淳化間廢神宗年間又置

唐

八角井在金墅蓮華寺內相傳唐時劉文龍妻死於此後井中

生蓮華遂以名寺

互見寺觀

後五代宋

仙泉在陽山澄照寺吳越錢氏時始出莫窮其源引渠灌田百

頃水旱不加減名曰靈泉繼改曰仙泉後因遷龍母祠於此

又名龍池

府縣志

宋柏在黃埭三閭大夫廟中高十丈其幹如虬龍相傳爲宋時物乾隆年間有一雀集其上羣雀爭來繞護約有千餘觀者

如堵僉以爲異事

滸墅舊聞

正蒙館相傳在滸墅鎮關中橫渠張載慕范文正仲淹至蘇展謁門人呂大臨輩築此居之設教數歲始還南渡時元孫置

制團練使德成選奏爲公祠後移建郡城

宋濂序

文星閣在陽山東靈濟廟後朱恒德建相傳爲讀書處故又名讀書臺

活佛洞在陽山西巔

滸墅關志

卷之十一

古蹟

五

仙人橋在陽山西巔兩石相連中可通人其形如橋故名旁有

大石一塊名香爐石

古銀杏在龍華寺殿前幹枝聳拔高大特甚夏時蔭庇殿庭前

人曾有題詠

已上新增

元

大石山下有泉三區一爲雲泉其石錯互若頰頰斷齧一石井

名鉢孟泉一泥潭味皆清冽

陽山志互見山寺觀

明

屯甲術在花堂塢一名赤土嶺明初征張士誠時屯兵于此故

名其下有將營今稱將巷

雞峯洞俗名仙人洞北過金芝南踰白塔中宏敞可容數人洞

口有臺平廣可半畝相傳昔有羽客棲此今則樵蘇徑斷矣

大石巖仙碑二字為明袁樞題王鐸書

陽山志

土城在望亭相傳備倭時築今遺址尚存

舊聞

菖蒲泉在蜜蜂道院後其泉清冽稍遜龍湫而甘味過之以溝

中多生菖蒲故名流漑山田可三四十畝

劉誠意井在金芝嶺最高處井水甘冽深不可測相傳為誠意

伯劉基所鑿

舊志

李應楨吳寬張淵史鑑聯句詩石刻在大石雲泉庵後為俗僧

所毀不全

許墅舊聞

許墅關志

卷之十一

古蹟

六

浴日亭在陽山箭闕鴻臚徐某建黃門張某題額徵士王穉登

記郡人於九月晦日羣集亭問俟寅賓時觀日月合璧於此

舊志明王穉登記陽山去吳城一舍而近亦名秦餘杭延袤二十餘里峰巒十有五絕頂為箭闕箭闕者兩石對峙劃然中開可容數武遠望之若箭括或云始皇射於此殊不經去地八百五十餘丈朝雲則占兩夕霞則占曰節然吳之鎮也山高路仄樵徑孤懸游者攀藤蘿踐荆棘而上腓不得並進蹀不得前卻蛇行則躡若捫參歷井而登登之即厲風烈日無所休止目未縱領未引而憊憊累息下矣雖吳之好游者十不能二至而况裹糧躡履之客哉所謂箭闕之勝幾沒榛莽中久之而後出者則今鴻臚徐君少泉之力也先是鴻臚君卜壽藏於山之趾望氣測景時以筆籙上下其間憫行者之崎嶇慨然捐錫集工徒刈草伐石斷巘峴削磈礪踰白塔嶺而南易詰曲為坦塗去嶮岨為夷行甃為拾級盤旋可陟可憩使杖者不危履者不傾為丈計者幾與山之高相等又慮登者之無所息也乃建亭其顛榱桷構櫨瓴甑之屬悉代以石使風雨不能漂搖鳥鼠不能穿穴其中寬衍可盤礴其外寥廓可眺覽滄溟在其東具區在其西

左顧千雉右盼羣峰茲亭所貯豈有量乎黃門張睿父先生  
顏之曰浴日不言山而言水水莫大於湖海亭得其十七浴  
日之云旨哉箭闕下文殊寺石壁數十尋鴻臚君爲重屋面  
之其北有大石雲泉庵飛梁絕巘最勝佛廬半圯君又加葺  
治丹青土木皆粲然而後陽山之勝甲吳下登高能賦之客  
采眞探奇之侶負薪行歌之夫踵相接於塗無不嘖嘖稱鴻  
臚君君之爲德於此山豈淺哉陳仁錫詩山中清漏徹蓮花  
翠冷巉岫濕露華杯引滄溟分席近杖移星斗過簷科夢回  
兜率空千界目極扶桑燦五霞一  
自咸池歌浴日天雞呼醒萬人家

藏軍洞有二在陽山西白龍祠前形狹而深大石室之人不可

入相傳爲劉基所鑿

陽山志

龍栢亭在陽山西龍母殿前明權使王之都因禱雨感應建王

穉登有記今已廢其圖碑尙存壁間

互見寺觀

文廟古栢一株在櫺星門內幹老腹空奇離葱鬱見者異之

游墅關志

卷之十一

古蹟

七

龍眼泉有二一在義塾住房中一在節孝祠圍牆外其在東首

宮牆之旁者則爲泮泉皆明時所鑿也

已上新增

本朝

紀

恩亭在南望亭五都一畝乾隆十五年五月蘇州府紳士軍民

立碑刻乾隆二年四月十六日

恩免蘇松浮糧乾隆十年六月初九日普免天下錢糧

上諭二道

縣志

游野關志卷之十一

古蹟補遺

黃沙泉在樞署會計科中其源不竭色黃味甘可以瀹茗

游野關志

卷之十一

古蹟補遺

一



澗墅關志卷之十一

物產

府縣志物產甚多大抵皆有之今取其出於澗墅左右及物雖同而名特著者

稻之屬

蘆花白澗墅西鄉一帶皆佃之九月方熟稻品中之粒大者

菽之屬

毛豆出連香橋名牛踏扁獨香而嫩不可多得稍遠於橋卽

無此風味

已上新增

蔬之屬

蕈出陽山松林下名松花蕈色赤者名猪血蕈味鮮無毒其

餘雜蕈有毒食之間或殺人宜戒

嘉慶乙丑初夏村民自采雜蕈煮食一家至斃三人

澗墅關志

卷之十一

物產

一

一時戒不食者甚多凌壽祺松花蕈詩連朝微雨濕青蕪草本草滋清且腴禮食芝栢崇內則山家松菌說東吳茯苓久作仙人饌蘭笋同充香積厨論顏色儼來名未稱中馗曾記釋蔬無

茶之屬

茶產陽山龍湫上者曰白龍茶產文殊寺龍井上者曰龍井

茶兩處不過數株在龍井者絕壁深淵尤難采摘人並珍之

采風類記明吳林白龍茶摘得雲英帶露光分來佛火試煎嘗山僧春晚元無事碾焙收藏鎮日忙白龍泉淪白龍茶石髓珍烹綠玉芽香泛乳花看似雪陶家風味漫相誇本朝凌壽祺詩日利秦餘五十金更多清供足山林雨前火後驚雷好一路提筐采蒨吟古寺茗簇筍芽僧家相約焙雲花共將石上壺泉水來試山中龍井茶水月洞庭無上品曰雲虎阜第三泉何如獨秀深山裏免得文家雜說傳

竹之屬

蘭花笋產陽山岳園山下皆赤土惟岳園栽竹處半畝許泥

黑色產笋肥大香似幽蘭大石龍塢二處笋亦作蘭花氣而

岳園為最

采風類記明岳岱新筍歌滿林黃鳥不勝啼林下新笋與人齊春風閉門走山兔白晝露滴驚竹雞

雨前三日春已過又近石牀添幾箇競將頭角向青雲不管

堆前綠苔破吳林岳園蘭花荀人羨斯園土最良產將玉筍

作蘭香詩翁蔬食無佳味剛供厨珍對客嘗

本朝馬苻岳園烹筍蘭花筍出烏灰土掘煮山泉坐岳園手握齊錢償犢

角心知珍供過熊躡野僧賣不投窮戶畸客嘗多自貴門城

市名喧那到口遠攜香味已無存凌壽棋岳園蘭花笋陽山

土赤似丹沙黑墳惟傳隱士家修竹萬竿萬新笋錯疑空谷

有蘭花來參玉版其招延真箇旃擅悟後禪誰識自從頭角

露流芳早已滿山傳聞說當年驚蟄後篔簹深谷守香苞而

今任作山僧饌也共櫻桃啟墅庖山僧相贈竹園開髣髴紅

塵一騎催解莫教吹

氣淡山林風味帶將來

果之屬

游墅關志

卷之十一

物產

二

楊梅出陽山名本山楊梅與銅坑聚塢相敵

新增凌壽棋陽山楊梅錢春迎

夏共傳杯光福青梅入饌來待得枇杷洞庭熟陽山五月有

楊梅山前山後火雲紅膚栗堆時墨暈融背出掇頭齊上市

本山各自說西東

花之屬

玫瑰出大宅基

舊志宋振大宅玫瑰乍寒乍暖養蠶天田裏玫瑰色正妍曉起摘來深巷賣吳娃不惜買

錢花

百合出陽山箭缺及天石塢名檀香百合

山鵲出陽

花似杜鵑

映山紅

已清

木之屬

黃連樹其芽可食味極清涼出餘杭山

舊志

水實之屬

菱四角殼蒲而堅實則芰也郡城尚顧姚蕩餽鮓菱此獨貴

於許墅名之曰白菱處處種之出余橋者尤佳新增凌壽祺

余橋白菱陽山山水活瀉入余橋裏養得菱科肥水清實累累余橋河十里不種菰與荷秋風河上起一片采菱歌采菱不用船打槳愁絲腎凌波乘浴盤鏡花照儂面三角復四角頭角皆相齊儂家不上市來買董公堤

草之屬

芝陽山深僻處往往無藉而生舊志

鱗之屬

白魚出太湖吳中芒種日謂之入梅後十五日交夏至入時於時多雨河水驟漲太湖白魚隨水湧出竹青塘漁舟集南

許墅關志

卷之十一

物產

三

北兩津橋捕之一網常至數十尾河干居民亦往往以罾取

之名時裏白凌壽祺時裏白夏至逢庚便起時太湖魚上玉為肌銀波一派來金墅撒網津橋切莫遲余公

堤畔集漁船一網拖來數萬錢爭賣街頭時裏白笑他但喚棒鮮鮮

鱖魚亦出太湖入冬乃多作羹頗美

池魚鯖為上鱖次之鱧為下青苔河一帶居人皆以養魚為

業以魚池之多少論貧富池大者常至數十畝已上新增凌壽祺青苔河

漁家居人既備耕與樵于中又有栽魚苗青苔河上數百家家家種魚魚池饒魚池近河與河隔圍以垂楊間以陌五月魚挾湖土朱餒以豆漿人水白看看魚長種可分鯖魚鱧魚各有紋鱧魚欲鯖欲存謹慎如對與蕙魚長食螺復食草池水淺量好水長魚自樂卻恐魚出躍水小魚難肥復將魚稀魚大欲未賣時朝朝暮暮看魚池何如小漁家舟浮水沒蕩黃花關前賣魚蝦

蟲之屬

蟋蟀產金墅者健鬪

舊志

石之屬

錦峯石出陽山西錦峯山自宋理宗書錦峯二字賜尚書鄭

起潛山始著石紫色充雜用明永樂間造南京報恩寺塔取

此石刻佛像以其陰雨不潤可糝采色也

新增 應壽祺錦峯石 褐黃米史記評

論盤固侯居一甲尊別有陽山山外產紫雲朵朵護雲根古長干上照琉璃刻像猶傳此石遺染采不渝雨不潤何嫌遠道鑿嶽崎無窮金碧秀高峯翹首斑斕錦萬重時有畸人到山市呼兄拜文石間逢

白墘出陽山本名白堊以音同惡改今名祥符圖經云陽山

白墘每年官取萬餘斤為錢唐寶興監鑄錢之用又可圻墘

滄墅關志

卷之十一

物產

四

潔白如粉山之東北有坑深數十丈轉為隧道危險不可逼

視土人鑿而取之上稍進輒被壓坎陷按白墘坑為陽山朱

氏世產其稅供白龍廟祭祀修葺之用乾隆嘉慶間有土人

通同城中豪右與之爭利於山之左右鄰近朦混開採旋奉

禁祇許舊坑採取不許別處私挖致傷地脉滄墅紳士勒石

管山東嶽廟中

府志 舊志 碑記 合纂 宋范中大咏 白墘 銀鬚 玉璞 紫金 精犯 難窮 探亦有名 白堊 區區 同

上價 吳儂 何事 亦輕 生 本朝 凌壽 祺 白墘 歎 噫 吁 嚱 危 哉 白墘 嶺 阨 深 百 丈 大 百 井 自 昔 任 上 采 充 貢 探 幽 入 險 成 占 礦 論 斤 值 數 錢 一 隴 供 四 境 土 人 捨 命 來 下 取 拜 別 親 友 隄 以 綆 裹 糧 篝 火 久 復 遠 氣 陰 地 濕 寒 且 冷 穴 轉 正 黑 上 正 滑 出 沒 虺 蟒 巨 更 猛 連 宵 竟 口 力 鎚 鑿 易 幾 青 蚨 私 慶 幸 忽 然 崩 墜 震 山 谷 骨 月 粉 碎 與 墘 併 鳴 呼 采 金 於 山 珠 於 淵 猶 為 寶 藏 滅 形 影 區 區 上 價 何 足 貴 陷 之 坎 弁 爭 馳 聘 人 生 衣 食 天 所 賦 如 此 謀 生 乃 可 警 噫 吁 嚱 危 哉 白 善 嶺

白石脂產陽山間有五色者舊府志云蘇州土貢有赤白二

色或卽以白塘當白石脂以紅紫者當赤石脂府志舊志合參

石脂陽山墜土鑿成池草際時時產石脂紅似硃砂白似玉赤松采得此間遺

### 器用之屬

蓆出各鄉村吳中草蓆自昔著名天下滄墅鄉村婦女織蓆者十之八九或雜色相間織成花草人物其名有五尺加潤滿牀獨眠之異凡坐具沈几修短廣狹無不如其式而爲之蓆草之肆蓆機之匠惟滄墅有之南津北津通安等橋蓆市每日千百成羣凡四方商賈皆販於此而賓旅過關者亦必

買焉雖虎邱亦以蓆名皆不及也府縣志凌壽祺織蓆詞織蓆從來誇虎邱虎邱蓆稀

### 滄墅關志

#### 卷之十一

物產

五

那比滄關稠織蓆先揀草慎若別薰蕕草揀青且長取韌不取柔尺五至尺七莖莖要齊頭經經麻要細必使先熟漚然後上機扣去垢汕一草打一下如織布與紬女兒揀草急阿孃打不休銖積復寸累午夜相綢繆方梭要對空落落如田疇花紋要閒色印出明如中夜更靜憑憑相酬待得東方明配筒津橋售滿牀與獨眠枕几殊短修一筒值數百賈客爭來收雙文不足貴五花不是儔績密任舒卷方知勝虎邱

算盤出榷署西俞家製造甚精舊志

錢索俗名串繩出近滄鄉村婦女以草爲之凡鄉城店肆皆

用之而寶蘇局麻串亦取給於滄焉新志

### 附船

關快始於滄墅製造精細器具華瞻雙櫓加槳其捷如飛故

名凌壽祺關快詞滄墅關前萬客過買舟命駕六時多家居素近浮橋畔好覓生運河漆光生松桂舷玻璃窗

淨繡幃鮮蕩湖縱有梢婆好輸與儂家會使船駕來雙櫓疾  
如飛走送包封戴賞歸總庫明朝要上兌衙前更晚漏聲微  
兒女夫妻共一舟風餐水宿市梢頭  
今年聞說關前好準備人家到虎邱

網快  
載客外間亦  
捕魚故名